



Tunisassiorfinnut tapiissutit

Nunalerinermut, Imminut Pilersornermut, Nukissiutinut
Avatangiisinullu Naalakkersuisoqarfik





Imai

1. Tunisassiorfinnut tapiissutit sumut tunngasuuppat?
2. Kikkut tapiiffigineqarnissamut qinnuteqarsinnaappat?
3. Qinnuteqaat sunik imaqassava?
4. Assersuut...
5. Suut tapiiffigineqarsinnaappat, suut naagga?
6. Suliassanut tapiiffigineqarsinnaasunut assersuutit
7. Suliassanut tapiiffigineqarsinnaanngitsunut assersuutit
8. Suliani sullissinerup ingerlasarnera
9. Tapiissutinik naatsorsuisarneq
10. Attaveqarfissanut paasissutissat





1. Tunisassiorfinnut tapiissutit sunut tunngasuuppat?

- Tapiissutit **nunaqarfinni isorliunerusunilu inuussutissarsiornermi sulianut**, tunisassiornerinut tapersiiniarluni **tunniunneqartarput**.
- Tapiiffigineqartut **najukkami pitsaasumik ineriartortitsinissamut** tapersiissapput.
- Tapiissutit tunisassiorfimmi tunisassiornerup suliffissaqartitsinerullu annertunerulernissaanik qulakkeeriniarluni aningaasaleeqqinnissamut ikiorsiissutitut isigineqassapput.
- Tunisassiorfinnut tapiissutit aningaasartuutitut tamarmiusunut ingerlaavartunullu matussutissaanngillat.
- Qinnuteqarneq akeqanngilaq.
- Tapiiffigineqarnissaq qulakkeerneqarsinnaanngilaq.





2. Kikkut tapiiffigineqarnissamut qinnuteqarsinnaappat?

- Tunisassiorfiit tassaapput **nunami immamilu suliaqarfinniit tunisassianik** tunisisartut pisisartullu.
- Suliffeqarfik **Kalaallit Nunaanni CVR-imut nalunaarsorsimasussaavoq**, tunisassiornerlu nunaqarfimmut isorliunerusumulluunniit atasussaalluni.
- Suliffeqarfik **suliassanut pilersaarummik** tamakkiisumik saqqummiissaaq, aammalu piffissami sivilisunerusumi **aningaasaqarnikkut sinnertoornissamut** qulakkeerinnissimanermut uppernarsaammik takutitsissalluni.
- Suliffeqarfik qinnuteqartoq nutaajuppat, siunissami anguniakkanik pilersaarutinillu ersarissunik saqqummiussisoqassaaq.
- Suliffeqarfik pisortat aningaasaliissutaat allat aqqutigalugit tapiissutinik aningaasaliissutinilluunniit pissarsereersimassangilaq.





3. Qinnuteqaat sunik imaqaassava?


- ✓ Tapiissutisinissamut **qinnuteqaatip allalluagaanissaa** piumasaqaataavoq.
- ✓ Qinnuteqaatip imarissavai:
 - Qinnuteqaat immersorsimasoq (www.sullissivik.gl aqputigalugu aaneqarsinnaavoq).
 - Suliassanut **pilersaarutip** imarissavai:
 - tapiissutissatut qinnuteqaatigineqartunut; suliassanut aalajangersimasunut, pilersuisuniit neqeroorutunut pissarsiarineqartunut missingersuutit.
- ✓ **Naatsorsuutit** akuerisat kingulliit.
- ✓ 100.000 dkk-t sinnerlugit qinnuteqaatinut **ingerlatsinermut missingersuutit**.
- ✓ Sulianik sullissinerup ingerlanerani pisariaqartinneqarpat, Naalakkersuisoqarfik paasissutissanik amerlanerusunik tapertaasussanilluunniit pissarsiniarnissamut imminut pisinnaatippoq.





4. Assersuut...

- ✓ Taamaallaat aningaasartuutissatut uppernarsarneqartunut tapiissuteqartoqassaaq, taamaattumillu sullissisut neqeroorutaat ilanngunneqassapput
- ✓ Qinnuteqaammi suliassat qanoq ilillutik suliffeqarfinni sulianut tapertaasinnaanersut nassuiaatigineqassaaq.





5. Suut tapiiffigineqarsinnaatitaappat, suut naagga?

Tapiiffigineqarsinnaatitaasut	Tapiiffigineqarsinnaatitaanngitsut
<p>Tunisassiorfimmi ineriartortitsineq (illut, maskiinat il.il), soorlu:</p> <ul style="list-style-type: none"> • Pisiniarnerit/alliliinerit • Tunisassiornermi pitsannguinerit 	<p>Pilersuinermi ingerlatsinermut aningaasartuutit, soorlu:</p> <ul style="list-style-type: none"> • Imermut kiassarermullu aningaasartuutit
<p>Ineriartortitsinermi ilisimasalinnit ikiorserneqarneq, soorlu</p> <ul style="list-style-type: none"> • Siunnersorteqarneq 	<p>Ilisimasallit sullissisarneri, soorlu:</p> <ul style="list-style-type: none"> • Ukiumoortumik naatsorsuusionermi kukkunersiuusunut aningaasartuutit
<p>Sulisut atortunik nutaanik atuinissamut ilinniartitaaneri</p>	<p>Ingerlaavartumik ilinniartitseqqittarnerit</p>
<p>Niuerfinnik nutaanik misissuinerit</p>	
<p>Ingerlatsinermut aningaasartuutit, iluarsaassinernut pitsanngorsaanernullu matussisiiffiusartut</p>	
<p>Suliani tapiiffigineqarsinnaasuni pisinermut ikkussuinerimullu aningaasartuutit, assartuussinermut aningaasartuutit ilanngullugit</p>	<p>Suliani tapiiffigineqarsinnaanngitsuni pisinermut ikkussuinerimullu aningaasartuutit, assartuussinermut aningaasartuutit ilanngullugit</p>



6. Suliassanut tapiiffigineqarsinnaatitaasunut assersuutit



Savaatilik atortunik nutaanik atuinissamut ilinniartitsinissaq siunertaralugu sulisuminik ilinniartitsiniarluni tapiiffigineqarnissamik qinnuteqarpoq.



Aalisakkanik tunisassiortoq tunisassiorfimmini maskiinanik aalisakkanik nerpiaanmik pisiniarluni tikisitsiniarlunilu tapiiffigineqarnissamik qinnuteqarpoq.



Nerisassanik tunisassiortoq tunisassiorfimminik alliliiniarpoq, taamaattumillu tunisassiorfiup illutaanik nutaanik tunisassiornermut atorineqarsinnaasunik iluarsaassiniarluni tapiiffigineqarnissamik qinnuteqarpoq.




Qeqqussanik katersuisartooq sulisuminut najugassatut containerinik pisiniarluni, taamaalillunilu amerlanerusunik sulisoqalerniarluni qeqqussanillu tunisassiornerminik annertusititsiniarluni tapiiffigineqarnissamik qinnuteqarpoq.






7. Suliassanut tapiiffigineqarsinnaatitaanngitsunut assersuutit



Naatitanik tunisassiortoq tunisassiorfimmini innaallagissamut kiassarnermullu aningaasartuutiminut matussutissanik tapiiffigineqarnissamik qinnuteqarpoq.



Tuttunik toqoraasarfik kukkunersiuisumut aningaasartuutiminut matussutissanik tapiiffigineqarnissamut qinnuteqarpoq.



Honningliortunik igutsaailik allaffimminut qarasaasianik nutaanik pisiniarluni tapiiffigineqarnissamik qinnuteqarpoq. Qarasaasiat tunisassiornerup ingerlaneranut atorneqartussaangillat.





8. Suliani sullissinerup ingerlasarnera

- Qinnuteqaatit naliliinermi tunngavissat marluk naligiimmik naliliiffigineqarneri uku tunngavigalugit suliarineqassapput:
 - Qinnuteqartup teknikkikkut, suliatigut aningaasaqarnikkullu pisinnaasai (suliatigut pisinnaasat)
 - Tunisassiorfiup suliaasa annertussusii (suliat)
- Aamma suliani sullissinermi aningaasanut inatsimmi aningaasaliissuteqartoqarsimanersoq, aningaasallu qanoq amerlatigisut sinnerussimanersut apeqqutaassapput.



9. Tapiissutininik naatsorsuisarneq



- Qinnuteqaat akuerineqarpat, suliffeqarfik Naalakkersuisoqarfillu piffissamut killilikkamik **kiffartuussinermut isumaqatigiissusiussapput**.
- Aningaasat suliassallu akuerisat kiffartuussinermut isumaqatigiissummi aalajangersarneqassapput, aningaasallu tunniunneqartut taamaallaat neriorsuuteqarfiusunut matussutaasinnaassapput.
- Aningaasat pisinnaatitaaffeqarfiusut aningaasartuutitut, Naalakkersuisoqarfiup neriorsuuteqarfigisaanut **uppernarsaammik** nassiussisoqarnerani akilerneqassapput.
- Uppernarsaat sullissisumiit **fakturaassaaq imaluunniit pisinermut uppernarsaataassaaq**. Tapiissutit siumoortumik akilerneqarsinnaanngillat.
- Tapiissutit taamaallaat **piffissami kiffartuussinermut isumaqatigiissuteqarfiusumi akilerneqarsinnaapput**. Taamaattumik kiffartuussinermut isumaqatigiissutit naannginnerani faktura (-t) Naalakkersuisoqarfimmut nassiunneqassaaq (-ssapput).



10. Attaveqarfissanut paasissutissat

- Tunisassiorfinnut tapiissutit pillugit apeqqutissaqarussi Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut saaffiginnittuaannarsinnaavusi:
 - pan@nanoq.gl (Naalakkersuisoqarfiup pisortatigoortumik postkarsia)
- Aamma nittartakkami una takuneqarsinnaavoq:
 - [Nunalerinermut, Imminut Pilersornermut, Nukissiutinut, Avatangiisinullu Naalakkersuisoqarfik \(naalakkersuisut.gl\)](https://naalakkersuisut.gl/Departementer/Dep_for_Land_Selvforsyn_Energi_og_Miljoe?sc_lang=da)

https://naalakkersuisut.gl/Departementer/Dep_for_Land_Selvforsyn_Energi_og_Miljoe?sc_lang=da